

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 49. Zakona o izvršavanju budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), na prijedlog Ministarstva za privredu, Vlada Zeničko-dobojskog kantona, na 170. sjednici, održanoj dana 22.11.2018. godine, d o n o s i

## **ODLUKU**

### **o uvećanju sredstava u Budžetu Zeničko-dobojskog kantona za 2018. godinu**

#### **Član 1.**

##### **(Predmet)**

(1) Odobrava se uvećanje sredstava u Budžetu Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) za budžetskog korisnika, Ministarstvo za privredu.

(2) Uvećanje sredstava u Budžetu Zeničko-dobojskog kantona za 2018. godinu, vrši se na slijedeći način:

a) na razdjelu 18, budžetska organizacija 01, potrošačka jedinica 0001 – Ministarstvo za privredu, sredstva na poziciji 614100 (IAD001) - Tekući transferi općinama po osnovu prihoda od koncesija, Plan izdaci iz namjenskih sredstava 2018. godina, uvećavaju se za 600.000,00 KM,

b) u Budžetu Zeničko-dobojskog kantona za 2018. godinu u dijelu A. PRIHODI u koloni Plan Budžeta- namjenska sredstva 2018. godina, sredstva na poziciji 721112 – Prihodi od davanja prava na eksploataciju prirodnih resursa, uvećavaju se za 600.000,00 KM.

#### **Član 2.**

##### **(Namjena korištenja sredstava i izvještavanje)**

(1) Odobrena namjenska sredstva iz člana 1. ove odluke, Ministarstvo za privredu će utrošiti za tekuće transfere općinama (70 % prihoda od koncesija) za 2018. godinu.

(2) Ministarstvo za privredu, je dužno polugodišnje izvještavati Vladu Zeničko-dobojskog kantona o namjenskom utrošku odobrenih sredstava.

#### **Član 3.**

##### **(Realizacija Odluke)**

Za realizaciju ove Odluke zadužuju se Ministarstvo za privredu i Ministarstvo finansija, svako u okviru svojih nadležnosti.

#### **Član 4.**

##### **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-17347/18.

Datum, 22.11.2018. godine.

Z e n i c a

**PREMIJER**

*Miralem Galijašević*

DOSTAVLJENO:

1x Ministarstvo finansija,

1x Ministarstvo za privredu,

1x „Službene novine Zeničko-dobojskog kantona“,

1x a/a.